



15  
1370  
1





15  
1370  
4

歷朝帝王典制記事

明謝紹芳選

上下  
合本一冊

唐土ノ始ヨリ明ノ代ニテ代々帝王制度  
事物ヲ始テ制述シ玉フ丁千餘ノ条ヲ書  
集テ其義ヲ詳ニス都テ物ノ始ヲ知ヘシ

急用間合  
真字引玉篇大成

懷中小本  
全一冊

右ノ書ハヨメヌ字ノ早クヨメル本ナリ  
コレニテ畫引ノ本數多アレハ偏冠ワ  
カラヌ字ナドハ甚ダ引ニクシタトハ早  
ノ字ヲ引ニ偏冠ワカラズ何ノ部ニアルヤ  
知ズ人々是ニ困ルナリ此本ハ偏冠ニテ  
引ヨキ字ハ偏冠ニテ引 偏冠ワカラヌ  
字ハ字ノ書初メ三畫ヲミルト引ケル  
コトト畫ヲカゾヘルニ及ハヌ字ヲ引ニ  
至テ早レ字ヲ増スコヲヒタシ允テ字ノ  
モレタルハナレ平仄ヲ改メ和訓ヲ正シク付テ  
幾度モ大儒ノ校訂ヲ經テ極行シ世ニ弘ム

補正初学指南抄

毛利貞齊著  
全

朱引指南唐ノ歷代要覽世ニ史大略經書  
詩文讀法指南ヲ委ク載經文出所ヲ記ルレ  
辭テ初学ヲ為ニ成丁ヲ集ム早学文ノ各也附錄  
禁中ニ行ルノスヘテ是ヲ記ス禁中宮殿圖說ヲ  
アラシ撰家清花羽林名家其外堂上官位  
昇進ノ次第ハ省夫々職掌ヲ詳カニ諸侯方  
任官ノ次第其外親王御門跡御格式官位神  
社官職寺院ハ八宗九宗ソレクニ委細ニ記スベ  
テ官職ノ丁并ニ唐官相當等々ハレシ記ス尤  
文章舊語桐江先生エラム処ニシテ五經  
及左氏傳ノ要語執字ヲ按萃シイロハ  
分ニ見出スニ便利ナラシム詠物詩唐  
李嶠撰也終リニ附シテ詩家ニ便リス

詩材拔錦

川西洲先生輯  
懷中折本紅睡入

唐詩ノ執字ヲ集ル丁百千門ニ領子三千二百句  
コレヲ撰ハ卷月ヲ摸出スルノ声アツテ画來ル如  
詩作ノ妙処ヲ得テ妙々書ヲ見テ知ルベシ

原川ヨシ子氏贈

學山録

叙

夫覃思

乎載籍研精乎理義

群言以為之採摭議論以為

之錯綜或畧而不踈或詳而

不煩自非博雅君子亦莫能

學山録

序



及也。已。以余學之淺陋。安得  
望十一於千百哉。雖然。區區  
猶存獻芹之志。且技癢之未  
已。於是乎竊不自揆。復詮次  
此書。意者考證之失。辯說之

謬。鹵莽狂僭。何謂不多哉。但  
世之君子。敢賜之。是正則其  
幸也。大矣。嗚乎。丘陵之學。山  
臆。夫畫者。因以學山錄名。其  
書。聊以自况云。



寬延三年庚午春正月望

東都直學士藤原明遠深藏

書于盈進齋



*Faint bleed-through text from the reverse side of the page, including characters like '君子好' and '可'.*

學山錄目錄

卷之一

天地部

卷之二

事物部

卷之三

言論部

行事部

卷之四

藝文部



靈異部

卷之五

文辭部

卷之六

稱謂部

字義部

卷之二

天賦部

卷之一

學山錄目錄

學山錄卷之一

東都直學士藤原明遠著

天地部

聖賢之天

○劉伯溫郁離子楚南公問于蕭寥子雲曰天有極乎極之外又何物也天無極乎凡有形必有極理也勢也蕭寥子雲曰六合之外聖人不言楚南公笑曰是聖人所不能知耳而奚以不言也故天之行聖人以曆紀之天之象聖人以器驗之天之數聖人以筭窮之天之理聖人以易究之凡耳之所可聽目之所可視心思之所

學山錄

卷之一



可及者聖人搜之不使有毫忽之藏而天之所閱人無術以知之者惟此今又不曰不知而曰不言是何好勝之甚也楊升庵論之曰嗚呼伯溫此言其確論乎其曰好勝者蓋指宋儒之論天者予嘗言東坡詩不識廬山真面目只緣身在此山中蓋處於物之外方見物之真也吾人固不出天地之外何以知天地之真面目乎且聖賢之學切問近思亦何必求知天地之外耶余謂伯溫之見可謂卓矣而升庵之說亦可謂當矣夫天地之外信思議之所不及而理之不可推者也故雖聖人亦自不可得知而已蓋日月星辰之麗于天係於氣機而

有象者則是推步之所及若夫常靜之天浩浩乎其大

無限則亦安得究索而識之邪莊子所謂六合之外聖

人存而不論誠知言哉劉伯溫又著天說一篇則言陰陽交錯邪正互勝物之遭之禍福形焉非氣有心於為之也之義一則論天災流行陰陽舛訛由元氣汨其至病而未復之故也其文見明文衡今

不採而為家天之如卷春日日月星辰長出此之如

積氣為天

○列子所謂天積氣耳日月星宿亦積氣中之有光曜

者亦說得有理唐楊倞註荀子云天無實形地之上空

虛者盡皆天也胡致堂亦曰天之蒼蒼其正色邪言天

無色也日月星辰之繫乎天非若山川草木之麗乎地



也著明森列躔度行止皆氣機自運莫使之然而然者無所託也其言皆當矣

○張九韶理學類篇云天地之初混沌鴻蒙清濁未判但一氣耳及其久也其運轉於外者漸漸輕清其凝聚於中者漸漸重濁輕清者積氣成象而為天重濁者積氣成形而為地天之成象者日月星辰是也地之成形者水火土石是也天包地外旋繞不停地處天內安靜不動天之旋繞其氣急勁故地浮載其中不陷不墜岐伯所謂大氣舉之是也此括約先儒朱子等說以言之最得其當故取之

○天圓地方以其理言呂覽有言曰天道圜地道方精

氣一上一下圜周復雜無所稽留故曰天道圓萬物殊類殊形皆有分職不能相為故曰地道方此義說得善

矣

○秦漢以來有九天之言據呂覽淮南子所云中央曰

鈞天東方曰蒼天東北曰變天北方曰玄天西北曰幽天西方曰顯天淮南作昊天西南曰朱天南方曰炎天東南曰陽天是以前方位言也據太玄經所云一曰中天二



日羨天三曰從天四曰更天五曰晬天六曰廓天七曰  
咸天八曰沉天九曰成天是以其重層言也然此虛立  
其名非有所據但近世西學家所言殊為有理其說如  
○方密之曰吳草廬澄始論天之體實九層至利西江  
入中國而暢言之自地而上為月天水天金天日天火  
天木天土天恆星天至第一重為宗動天去地六萬四  
千七百三十二萬八千六百九十餘里地心至月天四  
十八萬二千五百二十餘里地球周九萬里日輪大于  
地球百六十五倍又八分之三大于月輪六千五百三

十八倍又五分之一而地球大于月者二十八倍又三  
分之一諸曜各以例推之此九層相包如蔥頭日月星  
辰定在其體內如木節在板因天而動而天體本明通  
透如琉璃毫無限隔也恆星分為六等其第一等大于  
地球一百零六倍又六分之一次者漸減此以自然之  
數度推之地與海本是圓形而同為一球居天球之中  
如雞卵黃在青內有謂地為方者乃語其定而不移之  
性非語其形體也天既包地則二極周度緯度赤道皆  
相應但天包地為甚大其度廣地處天中為甚小其度  
狹直行北方一百五十里北極出高一度足徵地形果



圓用九萬里厚一萬八千六百三十六里零二十六丈  
上下四傍皆生齒居如蟻之遊大氣鼓之各以足所履  
爲下首所向爲上利公自太西浮海入中國至晝夜平  
線見南北二極皆平轉南過大浪山見南極出地三十  
二度則大浪與中國正對矣又按西書南亞墨利加故  
瑪八作正中國對足處  
以瓜喻之自北蒂而南臍爲五帶曰北極圈內曰南極  
圈內遠日而冷者也曰在晝長晝短二圈之間其地甚  
熱應赤道近日故也曰在北極晝長二圈之間曰在南  
極晝短二圈之間此二地謂之正帶日遙照者也游藝  
天經  
或問亦以常靜天宗動天恆星天土星木星火星  
天太陽天金水二星天太陰天言天體詳見其書

日之遠近大小

○列子湯問篇載孔子東游見兩小兒辨鬪問其故一  
兒曰我以日始出時去人近而日中時遠也一兒以日  
初出遠而日中時近也一兒曰日初出大如車蓋及日  
中則如盤盂此不爲遠者小而近者大乎一兒曰日初  
出滄滄及其日中如探湯此不爲近者熱而遠者涼乎  
孔子不能決也按桓譚之說曰日爲天陽火爲地陽地  
陽上外天陽下降今置火於地從傍與上診其熱遠近  
殊不同日中正在上覆蓋人人當天陽之衝故熱於始  
出時又新從太陰中來故復涼於其西在桑榆間也又



安寔之說曰日者純陽之精也光明外曜以眩人目故人視日如小及其初出地有游氣以厭日光不眩人目即日赤而大也無遊氣則色白大不甚矣地氣不及天故一日之中晨夕日色赤而中時日色白地氣上升蒙蒙四合與天連者雖中時亦赤矣王充論衡亦論之今不採云

日蝕警戒

○孔穎達論日蝕警戒之義曰日月之食於筭可推而知則是雖數自當然而云為異者人君者位貴居尊恐其志移心易聖人假之靈神作為鑒戒耳夫以昭昭大明照臨下土忽爾殲亡俾晝作夜其為怪異莫斯之甚

故有伐鼓用幣之儀貶膳去樂之數皆所以重天變警人君者也而天道深遠有時而驗或亦人之禍孽偶與相逢故聖人得因其變常假為勸戒使智達之士識先聖之深情中下之主信妖祥以自懼但神道可以助教而不可以為教神之則惑衆去之則害宜故其言若有若無其事若信若不信期無於未過而已矣經典之文不明言咎惡而公家董仲舒何休及劉歆等以為發無不應是知言徵祥之義未悟勸沮之方詩小雅十月余謂此言寓戒之意頗得之矣然古者不精推步而不豫知之故臨其蝕時見而知之始以為災雖聖人亦不深



元自世  
祖中統  
二年至  
順帝至  
正二十七  
年日食  
六十二  
明自太  
祖洪武  
元年至  
神宗萬  
曆二十  
四年日  
食百六  
此據續

窮其理耳自今而言則千載日蝕亦可坐而推焉但以日為人君之象而失其照臨之常故以此亦垂其修省固有不畔之義

○春秋二百四十二年日食三十六前漢二百一十二年日食五十三後漢百九十六年日食七十二魏晉共一百五十年日食七十九南自宋武帝永初元年至陳後主禎明二年北自魏明帝泰常五年至隋文帝開皇六年共一百六十九年南史所書日食三十六北史所書乃七十九唐二百八十九年日食九十三五代五十七年日食三十一宋三百三十九年日食一百二十一

文獻通考所記

月受日光

○沈存中夢溪筆談論月受日光之義其銀丸之譬最為的切朱子亦從之然其言有所本京房之說月與星辰陰也有形無光日照之乃有光日似彈圓月似鏡體或以為月亦似彈圓日照處則明不照處則闇蓋自此而推廣也

天月食地影

○月食之說張衡靈憲所謂對日之衝有暗虛者月若望行黃道則適與之值故為所掩而食此曆家古說也至宋張橫渠朱子亦從此說然暗虛之言有未安者明



陸深豐堂漫筆云西域人算日月食者謂日月與地同  
大若地體正掩日輪上則月爲之食傳注家謂月蝕爲  
暗虛所射者亦未敢信以爲然所謂西域人便指利瑪  
竇也天經或問等所說亦以地影言誠千古卓見也然  
此說非始於利瑪竇也古來已有其說宋中興天文志  
云月之光也以日之光有照焉則月之食也亦其日之  
光有掩焉耳試以前說推之於月之食以知日之行於  
地中其亦有食焉不然則日光之全月與相望其何食  
之有此雖不說破然以地影言之無疑也又明宋景濂  
論月蝕曰月食此爲地影之所隔也月居地中而日居

下地影既隔則日光不照其隔或多或少故所食有淺  
有深蓋地居天內如雞子中黃其形不過與月同大地  
與月相當則其食既矣觀此則明以地影言之起于宋  
景濂也

上弦下弦

○山堂肆考云世傳初七初八謂之上弦二十二三十  
三謂之下弦又劉熙釋名云弦半月之名也其形一  
曲一旁直若張弓施弦也

五星

○王充論衡曰星有五五行之精金木水火土各異光



色五星者謂五行之精之光也此蓋傳舊說者也其行  
度盈縮等義詳見諸史天文志及尚書通考今不及記  
云

瑞星 妖星

○宋中興天文志載瑞星有十二一曰景星二曰周伯  
三曰含譽四曰王蓬芮五曰格澤六曰玄保七曰昭明  
八曰昏昌九曰旬始十曰司危十一曰菟昌十二曰地  
維滅光瑞星五行冲和氣也又凡妖星五行乖戾氣也  
五行掩合陵犯怒逆錯亂流散雜變之所生也彗孛長  
三星其形小異孛星光芒短其光四出蓬蓬孛孛然彗

星光芒長參之如掃帚長星光芒有一直或竟天或十  
丈或二十丈

天樞不動星

○隋天文志云天運無窮三光迭耀而極星不移故曰  
居其所而衆星共之賈逵張衡蔡邕王蕃陸績皆以北  
極紐星爲樞是不動處也然朱子曰北辰是天之樞紐  
中間此子不動處緣人要取此爲極不可無箇記認所  
以就其旁取一小星謂之極星天之樞紐似輪藏心都  
不動極星也動此說殊爲有理是蓋有所本呂覽曰極  
星與天俱遊而天樞不移是也



○晉大史令陳卓總甘石巫咸三家所著星圖大凡二百八十三官一千四百六十四星以為定紀又後漢天文志註中外之官常明者百有二十四可名者三百二十為星二千五百微星之數蓋萬一千五百二十又隋天文志總有二百五十四官一千二百八十三星并二十八宿及輔官附坐一百八十三星總二百八十三官一千五百六十五星

文苑三昔傳天數者

○史記天官書曰昔之傳天數者高辛之前重黎於唐

虞羲和有夏昆吾殷商巫咸周室史佚萇弘於宋子章鄭則裨竈在齊甘公楚唐昧趙尹臯魏石申正義云楚甘德作天文星占八卷石申作天文八卷按重黎已其數子果有其人不可亦知祖甘石二公有星經之傳是為歷代天文家之祖者也然則星歷之學蓋成于戰國時也

○周禮保章氏有星土分星之說周語有分野之言以諸侯之邦繫星之十二次謂之分星分野也鄭康成所謂星紀吳越也元枵齊也娵訾衛也降婁魯也大梁趙



也實沈晉也鷄首秦也鷄火周也鷄尾楚也壽星鄭也  
大火宋也折木燕也是也以九州之地繫星之十二次  
謂之星土也易氏所謂考之傳記元枵齊而青州也星  
紀越而揚州也實沈晉而并州也大火壽星宋鄭而豫  
州也娥訾衛而冀州也鷄尾楚而荊州也折木燕而幽  
州也鷄火周而當洛陽之東周也此易氏據左氏傳之  
言推而言之者也  
是也自是而後史遷史記班固漢書分郡國以配之張  
衡蔡邕亦以當時州縣言之愈推愈詳至隋唐之志殊  
為極變然孔穎達曰星紀在東北吳越實在東南曾衛  
東方諸侯遙屬戌亥之次又三家分晉方始有趙而韓

魏無分趙獨有之漢書地理志分郡國以配諸次其地  
分或多或少鷄首極多鷄火甚狹徒以相傳為說其源  
不可得聞春秋唐一行亦曰近代諸儒言星土者或以  
州或以國虞夏秦漢郡國廢置不同周之興也王畿千  
里及其衰也供得河南七縣今又夫下一統而直以鷄  
火為周分疆場歟矣七國之初韓魏皆綿亘數州相錯  
如繡考雲漢山河之象多者或至十餘宿今周在畿甸  
之中矣而或猶據漢書地理志推之是守甘石遺術而  
不知變通之數也唐志夫二家所議誠是矣蓋分野之  
說戰國言星者以當時所有之國分而配之杜氏通典



所謂始形周末者得之矣全是杜撰附會之說何足據  
信哉亦不待疑而已清方密之所論亦好

○方密之曰天文分野余求其說難通夫天常運而不  
息地一成而無變以至動求合至靜未易以齊此其難  
通者一也若以形象所生必有相當氣類之應乃出自  
然不應各有入度之限況天之一度當地之九千二百  
餘里則天大而地小允礙膈合此其難通者二也且以  
輿地言之閩粵交廣東通吳會謂之揚州實當中國之  
半而分星所屬止斗牛女三宿則又地廣而天狹矣此  
其難通者三也智嘗謂隋志載見南極老人星下尚有

大星無數此已明矣利瑪竇為兩圖一載中國所嘗見  
者一載中國所未見者天河自井接尾箕畫垓堦萬方  
而分度界之真可謂訣從古之疑一行兩戒之論辨若  
縣河以今直之皆妄臆耳見通雅

雷說

○春秋穀梁傳及淮南子云陰陽相薄感而為雷激而  
為霆王充論衡推廣此義所論最詳其言曰雷者太陽  
之激氣也何以明之正月陽動故正月始雷五月陽盛  
故五月雷迅秋冬陽衰故秋冬雷潛盛夏之時太陽用  
事陰氣乘之陰陽分事則相校軫校軫則激射激射為



毒中人輒死中木木折中屋屋壞人在木下屋間偶中而死矣何以驗之試以一斗水灌冶鑄之火氣激鑿裂若雷之音矣或近之必灼人體天地為鑪大矣陽氣為火猛矣雲雨為水多矣分爭激射安得不迅中傷人身安得不死又驗雷之為火曰雷者火也以人中雷而死即詢其身中頭則鬚髮燒焦中身則皮層灼煇臨其尸上聞火氣一驗也道術之家以為雷燒石色赤投於井中石焦井寒激聲大鳴若雷之狀二驗也人傷於寒寒氣入腹腹中素溫溫寒分并激氣雷鳴三驗也當雷之時電光時見大若火之燿四驗也當雷之擊時或燔人

室屋及地草木五驗也孔穎達曰雷是陽氣之聲將上與陰相衝正義又程子曰電者陰陽相軋雷者陰陽相擊也張橫渠曰陰氣凝聚陽在內而不得出則奮擊為雷霆凡聲陽也光亦陽也光發而聲隨之陽氣奮擊欲出之勢也朱子曰雷如今之爆杖蓋鬱積之極而迸散者也已上所說皆與王充言出乎一轍

○胡致堂又論雷斧曰世人所得雷斧者此猶星隕而為石也本乎天者氣而非形偶墮於地則成形矣然而不盡然也又論擊殺曰雷之破山壞廟折樹殺人者先儒以為陰陽之怒氣也氣鬱而怒方爾奮擊偶或值之



則遭震矣然而不盡然也又論電光曰電之閃鑠激疾如金蛇飛騰之狀何謂也光之發也惟光爾適映雲際則如是不當乎雲之際而在同雲之中則無此矣

釋氏日月之說

○法苑珠林載起世經曰日天宮殿縱廣正等五十一由旬上下亦爾以三種物成其宮殿正方如宅遙看似圓何等爲二所謂金及瑠璃一面五分皆是天金成清淨光明一面一分是天玻璃成淨潔光明有五種風吹轉而行何等爲五一名爲持二名爲住三名隨順轉四名波羅何迦五名將行彼日天宮之前別有無量諸天

於前而行時各常受樂皆名牢行又日宮殿中有閻浮檀金以爲妙輦輦高十六由旬方八由旬莊嚴殊勝日天子及眷屬在彼輦中以天五欲具足受樂日天子身壽五百歲子孫相承皆於彼治宮殿住持滿足一劫日天子身光出照於輦輦有光明復照宮殿光明相接出已照耀遍四大洲及諸世間日天宮殿常行不息六月北行於一日中漸移北向六拘盧舍依雜寶藏經有五千里未嘗暫時離於日道六月南行亦一日中漸移南向拘盧舍不差日道月天宮殿純以天銀天青瑠璃而相間錯二分天銀清淨無垢光甚明曜餘之一分天青瑠璃亦甚清



淨表裡映徹光明遠照亦為五風攝持而行如前月夫  
宮殿依空而行亦有無量諸天宮殿引前而行恒受快  
樂於此月殿亦有大輦青瑠璃成輦高十六由旬廣八  
由旬月天子身與諸天女在此輦中以天種種五欲功  
德和合受樂隨意而行彼月天子身壽五百歲子孫相  
承皆於彼治然其宮殿住於一劫彼月天子身分光明  
照彼青輦其輦光明照月宮殿宮殿光照四大洲日宮  
殿亦光明一時流出障月輪者此月宮殿十五日時  
圓滿具足於一切處皆離翳障復何因緣月天宮殿於  
黑月分第十五日一切不現此月宮殿於黑月分十五

日最近日宮由彼日光所覆翳故一切不現此月宮殿  
於黑月分一白已去乃至月盡光明威德漸漸減少以  
此因緣名之為月復何因緣月宮殿中有諸影現此大  
洲中有閻浮樹因此樹故名閻浮洲其樹高大影現月  
輪又引長阿含經云劫初長成時天地大闇有大黑風  
吹大海水開取日以照天下著須彌半安日道中行旋  
繞四天下照耀衆生又引立世阿毗曇論云云何黑半  
云何白半由日黑半由日白半日恒逐月行一一日相  
近四萬八千八十由旬日日相離亦復如是十五日月  
則開淨圓滿世間則名白半圓滿日月若最相離行是



時月圓日月若共一處是名合行世間則說黑半圓滿若日隨月後分不圓以是事故漸漸掩覆至十五日覆月都盡隨後行時是名黑半若日在月前行日日開淨亦復如是至十五日具足圓滿在前行時是名白羊又引起世經云日天宮殿過六月已漸向南行每於一日中移六拘盧舍無有差失當於是時日天宮殿在闍浮洲最極南垂地形狹小日過速疾以此因緣冬分時晝短夜長日天宮殿過六月已漸向北行每於一日中移六拘盧舍無有差失當於是時在闍浮洲處中而行地寬行久所以晝長以此因緣春夏晝長夜分短促音余

謂此說荒唐怪詭全無義理但其間或有與曆家說近者今姑採之以廣異聞耳淮南子所謂月中山河影者亦近闍浮樹之說而酉陽雜俎所謂月七寶合成者蓋亦襲佛經而附會也音方 曆代諸曆名宗音天 闍浮宗會天音天 皇宗知天

○自古曆元及名自黃帝始用辛卯顯帝用乙卯虞用戊午夏用丙寅周用乙巳魯用庚子秦用元卯漢用太初三統四分乾象魏用黃初晉用元始合元萬分宋用大明元嘉齊用天保同章正象後魏用興和正光正統梁用大同乾象永昌後周用天和丙寅明光隋用甲子



開皇皇極大業唐用戊寅麟德大衍元和觀象長慶宣  
明寶應五紀建中正元景福崇元五代梁用宣明宗元  
二法晉用調元周用欽天凡四十六家見舊五代史曆  
志宋太祖應天乾元真宗儀天仁宗崇天英宗明天  
神宗奉元哲宗觀天徽宗占天紀元高宗統元孝宗乾  
道淳熙光宗會元寧宗統天開禧理宗會天度宗成天  
端宗本天見玉海宋史曆志

○又宋史云熙寧行奉元曆至元豐初詔司天監考遼  
及高麗日本國曆與奉元曆異同遼己未歲氣朔與宣  
明曆合日本戊午歲與遼曆相近高麗戊午歲朔與奉

元曆合

○元世祖至元十八年行授時曆自是八十年間司天  
之官遵而用之靡有差忒其制作之義詳見元史等

○明英宗正統十四年造己巳大統曆學士楊廉言漢  
四百年更三造曆唐三百年更七造曆宋三百餘年至  
十八造曆本朝自洪武至今百四十年未更造而交食  
一一驗不爽則知許平仲郭守敬所造曆理數極精古  
今曆無過之者又懷宗崇禎二年九月癸卯開設曆局  
命吏部左侍郎徐光啓督修曆法先是五月乙酉朔日  
食時刻不驗上切責欽天監官五官夏官正弋豐年等



奏大統曆乃國初監正元統所定其實即元太史郭守敬所造授時曆也二百六十年來曆官按法推步一毫未嘗增損非惟不敢亦不能若妄有竄易則失之益遠矣至于守敬授時之法古今稱為極密然中間刻數依其本法而不能無差云云已而光啓上曆法修正十事三年夏五月徵西洋陪臣湯若望秋七月徵西洋陪臣羅雅谷供事曆局六年時徐光啓以病辭曆務逾月卒所著崇禎曆書幾百卷見明史紀事本末明史稿藝文志曰崇禎曆百二十六卷崇禎二年勅徐光啓與李之藻王應遴及西洋人羅雅谷等陸續成書羊間信天

天曆合歷代州郡

○禹貢九州冀州兗州青州徐州揚州荊州豫州梁州雍州周禮職方氏東南曰揚州正南曰荊州江南曰豫州正東曰青州河東曰兗州正西曰雍州東北曰幽州河內曰冀州正北曰并州爾雅釋地兩河間曰冀州河南曰豫州河西曰豳州漢南曰荊州江南曰揚州濟河間曰兗州濟東曰徐州燕曰幽州齊曰營州孔穎達曰周之兗於禹貢侵青徐之地周之青於禹貢侵豫之地周之雍豫於禹貢兼梁之地周之冀州小於禹貢以其北有幽州也周無徐梁禹貢無幽并物理論云九州變易交錯不同禹貢有梁州無并州周官有并



州無梁州爾雅有營州無青州漢興武帝開拓三方立十三州通并梁之數而增交益焉邢昺曰禹別九州有青徐梁而無幽并營是夏制也周禮有青并幽而無徐梁營是周制也爾雅有徐幽營而無青梁并疑是殷制也

○杜氏通典云黃帝方制天下立為萬國其後制度無聞矣若顓頊之所建帝嚳受之創制九州統領萬國雍荆豫梁徐冀青兗揚至堯遭洪水而天下分絕使禹平水土還為九州如舊制也舜攝帝位分為十二州雍荆河梁冀幽并青營徐兗揚故虞書云肇有十二州是也

夏氏革命又為九州殷湯受命亦為九州冀荆豫雍揚兗徐幽營周初四分天下為九畿至成王時亦曰九州屬職方氏揚荆河青兗雍幽冀并

○初學記云秦始皇并天下分置二十六郡各領縣縣萬戶以上為令減萬戶為長平百越又置四郡合四十郡置一守一丞兩尉以典之漢有天下王侯郡國並置焉凡所置郡國六十七與秦三十六合一百三改周雍州曰涼州復置夏之徐梁二州而改梁曰益北置朔方南有交阯別置二刺史凡十三部光武中興命并省郡國明章和至于順帝凡郡國一百五仍為十三部魏武



輒正吳蜀三方鼎峙疆場不定漢建安中置郡十二文帝受禪又置七郡明帝置六郡少帝又置平陽一郡并得漢舊郡國五十四平蜀得二十郡晉太康平吳之後天下一統凡州十六晉自蕩陰敗後羗羯交侵至于劉曜陷洛陽於是司冀雍涼青并兗豫幽平秦營十二州並淪沒矣後魏孝文帝都洛陽開拓土宇明帝熙平元年凡州四十六鎮十二郡國一百一十一郡五百一十九周明帝受魏禪至大象二年凡州二百一十一隋文帝受周禪至開皇二年罷天下郡其縣但隸州而已九年平陳以後四海一家大業三年罷州爲郡凡郡國一

百八十三唐貞觀十三年凡州府三百五十八

○宋書地理志云三國鼎峙吳得揚荆交三州蜀得益州魏氏猶得九焉吳又分交爲廣魏末平蜀又分益爲

梁

○又通典云魏氏據中原有州十二隸荆河兗青徐涼秦冀幽并揚雍有郡國六十八蜀主制巴蜀置益梁二州有郡二十二吳主北據江南盡海置交廣荆郢揚五境之守彼是不常纔得遽失則不暇存也又云晉武帝平吳分爲十九州司兗豫并青徐荆揚梁雍秦景涼



寧幽平交廣又增置郡國二十有二凡郡百五十有六  
縣千一百有九自東晉成帝時中原流民多南渡遂於  
江漢淮之間僑立州郡以撫其民今記其所依經久者  
大較以宋孝武大明爲正凡二十有二州郡凡二百三  
十有八縣千一百七十有九齊氏州郡悉因宋代州二  
十有三郡三百九十有五縣千四百七十有四其後頗  
爲後魏所侵梁氏州郡多沿舊制天監中州二十有三  
郡三百五十縣二十有五其後更有析置大同中州百  
有七郡縣亦稱於此自侯景逆亂建康傾陷墳籍散逸  
不可得而詳焉陳氏比於梁代土宇彌蹙西不得蜀漢

北失肥以長江爲境有州四十有二郡百有九縣四百  
三十有八隋文帝廢諸州以郡治民大凡郡百九十八縣  
千五百五十五東西九千三百里南北萬四千八百一  
十五里隋氏之盛極於此大唐武德初改郡爲州太守  
爲刺史其邊鎮及襟帶之地置總管府以領軍戎至七  
年改總管府爲都督府貞觀始山河形便分爲十道內關  
道河南道河東道河北道山南道隴開元二十一年分  
右道淮南道江西道劔南道嶺南道爲十五道置採訪使以檢察非法京畿都畿關內河南  
東山南西劔南淮南江天寶初又改州爲郡刺史爲太  
南東江南西黔中嶺南守大凡郡府三百二十有八縣千五百七十有三羈縻



州郡不在其中唐書地理志云東西九千五百一十里南北一萬六千九百一十八里  
○五代史職方考云唐之盛時雖名天下為十道而其勢未分既其衰也置軍節度號為方鎮鎮之大者連州十餘小者猶兼三四故其兵驕則逐帥帥疆則叛二土地為其世有干戈起而相侵天下之勢自茲而分自僖昭以來日益割裂梁初天下別為十一南有吳浙荆湖閩漢西有岐蜀北有燕晉而朱氏所有七十八州以為梁莊宗初起并伐取幽滄有州三十五其後又取梁魏博等十有六州合五十一州以滅梁岐王稱臣又得其州七同光破蜀已而復失惟得秦鳳階成四州而營平

一州陷于契丹其增置之州一合二百三十三州以為唐石氏入立獻十有六州于契丹而得蜀全州又增置之州一合一百九州以為晉劉氏之初秦鳳階成復入于蜀隱帝時增置之州一合一百六州以為漢郭氏代漢十州入于劉旻世宗取秦鳳階成瀛漢及淮南十四州又增置之州五而廢者三合一百一十八州以為周宋興因之此中國之大畧也其餘外屬者疆弱相并不常其得失至於周末閩已先亡而在者七國自江以下二十一州為南唐自劔以南及山南西道四十六州為蜀自湖南北十州為楚自浙東西十三州為吳越自嶺



南北四十七州為南漢自太原以北十州為東漢而荆  
歸峽三州為南平合中國所有二百六十八州而軍不  
在焉在焉宋太祖受周禪凡州府軍監一百三十九縣  
六百六十一建隆四年荆南來朝得州府三縣十三是  
年平湖南得州十五監一縣六十六乾德三年平蜀得  
州府四十六縣二百四十開寶四年平廣南得州六十  
縣二百十四八年平江南得州十九軍三縣一百八太  
平興國五年陳洪進獻地得州三縣十四是年錢俶獻  
所管得州十三郡一縣八十六四年平太原得州十郡

一縣四十一是年李繼捧來朝州四縣八天下凡十八

路京東路京西路河北路河東路陝西路淮南路江南

益州路梓州路利州路夔州路州府軍監三百二十二縣

一千二百六十二東西六千四百八十五里南北一萬

一千六百二十里按靖康二年金人再入寇京師失守

炎盡河為界自是而後河南州郡或陷或得其所界不  
定至開禧韓侂胄啓釁致虜師渡淮侵破諸郡其後雖  
旋得亦旋失遂到崖  
山而亡今茲不詳云

○明一統志云皇明幅員之廣東盡遼龍西極流沙南  
越海表北抵沙漠則以京畿府州直隸六部天下分爲  
十三布政司曰山西曰山東曰河南曰陝西曰浙江曰



江西曰四川曰福建曰廣東曰廣西曰雲南曰貴州以統諸府州縣而都司衛府則錯置於其間次為防禦總之為府一百四十九為州一百二十八為縣一千一百

五按歷代州郡或併或置而其數不定多者至於二百五十八州而止矣已上所記其可觀耳然皇朝自

昔有以四百餘州稱中華之言元是無稽之談也但野氏東見記云千歲寶掌和尚詩行盡支那四百州此中

編稱道人遊又引便用全書云光武中與乃併者郡國十縣道侯國四百餘所然則或因此等之說與雖然全

書所言舉其大概而且侯國耳非州也寶掌此一萬之詩亦偶舉成數以稱其多者也何足為據哉

歷代國都

伏羲都陳神農都陳徙曲阜黃帝都涿鹿少昊都曲阜  
顓頊都帝丘帝嚳都亳堯都平陽舜都蒲坂夏都安

邑商都亳仲丁徙囂河亶甲徙相禘乙徙耿盤庚復都

亳周文王居岐徙豐武王都鎬皆關中地成王以鎬為

宗周西都以洛陽為成周東都成王居西都而會諸侯

於東都平王徙東都秦都關中咸陽西楚都彭城西漢

都關中櫟陽東漢都洛陽獻帝亡于許三國後漢都益

州曹魏都鄴徙洛陽孫吳都建康西晉都洛陽至永嘉

南遷居建康愍帝亡于長安五胡劉氏漢居平陽劉氏

前趙繼居之石氏後趙居襄國李氏蜀居成都慕容氏

燕居遼東大棘城拓跋氏遷都平城號魏王時都盛樂

張氏前燕居涼州符氏秦居長安慕容氏後燕居中山



慕容冲西燕居平陽慕容永西燕居長子慕容德南燕  
居廣固慕容盛北燕居龍城馮跋北燕繼居之秦苻丕居  
平陽秦苻登居南安姚氏後秦居長安乞伏西秦居隴  
右呂氏後涼居姑臧秃髮氏南涼居河西段業北涼居  
張掖沮渠氏北涼繼居之徙姑臧李氏西涼居敦煌徙  
酒泉赫連氏夏居朔方統萬拓跋魏徙平城南朝宋都  
建康南朝齊都建康元氏魏都洛陽南朝梁都建康南  
朝陳都建康西魏徙長安東魏自洛陽徙鄴北齊起晉  
陽徙鄴後周居長安隋都長安煬帝或如洛陽亡于江  
都唐都長安昭宗徙洛五代後梁都汴徙洛後亡于汴

後唐起太原入汴徙洛後晉起太原入汴後周都汴楊  
氏吳居揚州李氏南唐居于金陵王氏前蜀居成都孟  
氏後蜀據成都王氏閩居福州劉氏南漢居廣州劉氏  
北漢居太原馬氏楚居潭州高氏南平居江陵錢氏吳  
越居杭州宋都汴陷于金金自北方徙于燕又徙于汴  
亡于蔡宋自汴南徙立于杭盡閩廣元起于北方都于  
開平徙于燕亡于應昌府見甲子會紀

○明王鏊論汴都曰自古無有都汴者張儀謂其地四  
通輻輳固戰場也魏本都安邑為秦侵蝕不得已東徙  
大梁其後秦使王賁引河灌城王假就虜一國為無朱



全忠篡唐居汴不過五六年唐莊宗代之其禍甚於王假石敬瑭因之耶律長驅少帝就執視朱氏又酷焉宋祖開基不此之鑿遂有靖康之禍固謀之不善亦地勢然也宋之失謀未有甚於都汴者也

○明燕都稱北京金陵稱南京國憲家猷云帝都古幽薊地金人克遼滅宋都燕山故城在今北京城之西南十里今禁垣內所存瓊花嶋梳粧臺皆金故物也太祖時為北平布政司成祖龍潛於此及續太統遂建北京正統中始稱京師云南京古金陵地吳晉宋梁陳及南唐嘗於此建都明太祖乃定鼎於此山堂肆考云明朝稱南北京者又

自二都之地一在南一在北故耳

又博物典彙論形勢云夫帝王之

都北乃其有不可易者矣所可慮者如前輩所謂漢之邊在北咸陽去朔方千餘里唐之邊在西長安去吐蕃界亦幾千里今京都北抵居庸東北抵古北口西南抵紫荆關近者百里遠者不過二百里所謂居庸則吾之背也紫荆則吾吭也昔之據關中者將以掩中國之吭而折其背都幽燕者切近北狄則又恐反掩吾之吭而折吾之背焉此則所當深加意者也

歷代國號

○王充論三代國號曰唐虞夏殷周者土地之名堯以



唐侯嗣位舜從虞地得達禹由夏而起湯因殷而興武  
 王階周而代皆本所興昌之地重本不忘始故以為號  
 此說得之自是以還若秦若漢從初起之地名曰隋曰  
 唐因所封之爵邑以為天下總號者也晉安平王孚曰  
 凡帝王皆因本國之名以為天下之號而與往代相別  
 耳非為擇善名以自光也晉書本傳是言亦當矣但南齊及  
 元明新建佳名以為國號蓋齊太祖取讖書金刀利刃  
 齊刈之之言而以齊稱之齊書崔祖思傳言之元世祖取易經乾  
 元之義而以元稱之明太祖蓋亦取大明照臨之義而  
 以明稱者也

東西周說

○成周王城書洛誥曰澗水東瀍水西孔穎達曰澗東  
 瀍西今河南城即王城也瀍水東今洛陽即下都也又  
 詩車攻宣王復會諸侯于東都王城也又後漢地理志  
 云雒陽周時號成周河南周公所城雒邑春秋時謂之  
 王城又呂東萊曰平王東遷之後所謂西周者豐鎬也  
 東周者東都也威烈王之後所謂西周者河南也東周  
 者洛陽也考主封其第揭於河南以續周公之職是為  
 河南桓公威烈王嗣位西周惠公封其少子班於鞏以  
 奉王實東周惠公此東西周分之始也顯王二十二年趙與



韓分周爲二東西周各爲列國顯王雖在東周特建空  
名於其上耳已上舊說之可據者也又元吳臨川有東  
西二周辨說得甚詳今記于左  
○吳臨川曰東西周有二一以前後建都之殊而名一  
以二公封邑之殊而名昔武王西都鎬京而東定鼎于  
郊鄩周公相成王宅洛邑營澗水東瀍水西以朝諸侯  
謂之王城又謂之東都實郊鄩於今爲河南又營瀍水  
東以處殷頑民謂之成周又謂之下都於今爲洛陽自  
武王至幽皆都鎬京幽王娶于申生太子宜臼又嬖褒  
姒生伯服欲立之黜宜臼申侯以節及犬戎入寇弑王

諸侯逐犬戎與申侯共立宜臼是爲平王畏戎之逼去  
鎬而遷東都平以下都王城曰東周幽以上都鎬京曰  
西周此以前後建都之殊而名也自平東遷傳世十二  
而景王之庶長子朝與王猛爭國猛東居于皇晉師納  
之入于王城入之次月猛終焉及踰半碁而子朝又入  
王辟之東居于狄泉子朝據王城曰西王敬王在狄泉  
曰東王越四年子朝奔楚敬王雖得返國然以子朝餘黨  
多在王城乃徙都成周而王城之都廢至考王封其弟  
揭於王城以續周公之官職是爲周桓公自此以後東  
有王西有公而東西之名未立也桓公生威公威公生



惠公、惠公之少子班又別封於鞏以奉王是為東周。惠公父子同謚以鞏與成周皆在王城之東故班之兄則則仍襲父爵居于王城是為西周。武公以王城在成周之西故自此以後西有公東亦有公二公各有所食而周尚為一也。顯王二年趙韓分周地為二二周公治之。王寄焉而已矣。周之分東西自此始。九年東周惠公卒子傑嗣。慎靚以上皆在東周。赧王立始遷于西周。即王城舊都也。史記云王赧時東西周分治。今按顯王二年已分為二不待此時矣。其後西周武公卒子文君嗣王五十九年秦滅西周。西周公入秦獻其邑而歸是年赧

王崩次年周民東亡秦遷西周公於囂狐聚。又六年秦滅東周遷東周公於陽人聚。此以二公封邑之殊而名也。前後建都之殊者以鎬京為西周對洛邑為東周而言也。二公封邑之殊者又於洛邑二城之中以王城為西周對成周為東周而言也。大槩周三十六王前十有二王都鎬京中十有三王都王城對鎬京則鎬京在西而王城在東其東西之相望也。遠季十王都成周赧一王都王城王城對成周則成周在東而王城在西其東西之相距也近。一王城也昔以東周稱後以西周稱夫周末東西之分因武惠二公各居一都而名王則或東



或西東西之名繫乎公不繫乎王也邵子經世書紀赧  
王爲西周君與東周惠公並而西周公無聞焉則直以  
西爲王東爲公矣知東之有公而不知西之亦有公也  
知王之在西而不知赧以前之王固在東也戰國策編  
題首東周次西周豈無意哉二周分治以來顯王慎觀  
王三代五十餘年王于東赧一代五十餘年王于西先  
東後西順其序也近有晉雲鮑彪註謂西周正統不應  
後於東周升之爲首卷於西著王世改於東著公世改  
蓋因邵子而誤者旣不知有西周公且承宋忠之謬以  
西周武公爲赧王別謚友以徐廣爲踈是未嘗考於同

馬貞索隱之說鮑又云赧徙都西周鎬京也嗚呼  
鎬京去王城成周八百餘里自平王東遷之後不能有  
而以命秦仲曰能逐犬戎卽有其地鎬之爲秦已四百  
年于茲其地在長安上林昆明之北虎狼所穴而王得  
徙都于彼哉高誘註曰西周王城今河南東周成周故  
洛陽辭旨甚明鮑注出高誘後何乃以西周爲鎬京也  
乎鮑又云郊鄆屬河南爲東周殊不思此昔時所謂東  
周也於斯時則名西周矣斯時之西周與鎬京郊鄆對  
稱西東者不同顧乃一之何與夫鮑氏之於國策其用  
心甚勤而開卷之端不免謬誤如此讀者亦或未之察



也遂為之作東西周辨見吳臨川文集及元文類亦載

西東山南水北為陽文與夫字及之文同其用

禧公二十八年穀梁傳水北為陽山南為陽范甯註

日之所照曰陽六書故云山阜之南向曰謂之陽山之

南水之北也故水北亦為陽山阜之北背日謂之陰山

之北水之南也故水南亦為陰觀此則凡地在山南者

以陽稱在山北者以陰稱固其宜也今人以陽字作州

字者如尾州稱尾陽甲州稱甲陽大無其謂東淮翁議

其誤得之矣按洪邁隨筆博舉郡縣用陰陽字者證之

今記于此又云蘇軾蘇西風賦京

容齋四筆云山南為陽水北為陽穀梁傳之語越若

山北水南則為陰故郡縣及地名多用之今略叙於此

山之南者如嵩陽華陽恒陽衡陽鎮陽岳陽嶧陽夏陽

城陽陵陽岐陽首陽管陽咸陽櫟陽宜陽山陽屬河內

在北廣陽辟陽河陽魯陽黎陽樅陽零陽巫陽東陽詔

陽柳陽揭陽弋陽屬汝南郡當陽青陽黔陽壽陽麻

陽雲陽美陽復陽南陽復上曲陽屬常下曲陽屬鉅

陽屬五原陽屬雲水之北者馮翊之池陽潁陽郟陽沉

陽扶風之杜陽河東之大陽大阿平陽平阿太原之晉

陽汾陽及河陽洛陽滎陽偃陽潁陽淮陽汶陽濟陽襄



陽滏陽漁陽遼陽泗陽伊陽永陽滁陽潮陽灃陽灌陽  
汧陽洮陽冰陽東郡之濮陽東武陽潁川之潁陽元陽  
舞陽汝南之汝陽鮑陽紂陽濯陽滇陽新陽安陽博陽  
成陽南陽之育陽涅陽堵陽蔡陽筑陽棘陽北陽朝陽  
湖陽紅陽江夏之西陽廬江之尋陽九江之曲陽濟陽  
句陽音鈞沛郡之穀陽扶陽漂陽魏郡之繁陽鉅鹿  
之堂陽清河之清陽涿郡之高陽饒陽范陽勃海之滹  
陽濟南之般陽朝陽泰山之東平陽東武陽寧陽北海  
之膠陽東海之開陽曲陽都陽臨淮之射陽蘭陽丹陽  
之丹陽陵陽漂陽豫章之鄱陽鄒陽桂陽之耒陽桂陽

滇陽武陵之無陽辰陽酉陽零陽零陵之洮陽漢中之  
旬陽沔陽安陽犍爲之江陽武陽漢陽金城之枝陽天  
水之略陽阿陽安定之涇陽彭陽北地之泥陽上郡之  
定陽雁門之沃陽劇陽上谷之沮陽漁陽之要陽遼西  
之海陽右北平之夕陽聚陽蒼梧之封陽趙國之易陽  
膠東之觀陽長沙之益陽已上皆見漢書地理志其水  
之下必曰在某水之陽合山水之稱陽者百有五六十  
至陰字則甚少蓋面勢在背自難立國邑耳山之北者  
唯華陰山陰龜陰蒙陰鶉陰雕陰襄陰水之南者汾陰  
蕩陰潁陰汝陰舞陰濟陰漢陰晉陰蒲陰相陰潞陰河



陰湖陰江陰淮陰園陰僅三十而已若樂陽南陽合陽  
被陽富陽屬秦昌陽建陽屬魏武陽之類尚多有之莫  
能知其為山為水也

本朝軍器考

新井白石先生著  
全十冊

同圖式

同著 全四冊

本朝戰國策評論

全八冊

軍器要法

岡崎良梁著 上下合本一冊

武士形氣

全五冊

武人訓

全五冊

敵討文武故事談

全六冊

河野軍記

全十五冊 時ヨリツギキテ代ノノリ記ス

敵討天神生記

全五冊

和漢軍書要覽

全

敵討會替錦

全五冊

繪本百將全傳

月岡丹下畫 全一冊

大平記秘說

全五冊

本朝始ヨリ武將タル人ヲ百人羅山子撰玉ヒシ

ラ委ク繪ニアラハ其行狀ヲ一々記ス

敵討孝子傳

全五冊

軍器ノ故実利便ヲ悉クシテ古代名將ノ甲冑ヲ軍器ノ社佛閣ニ納リ諸所ニテ其物ヲ多ク繪圖シテ其辨ス  
軍法古今論ヲシテ戰場ニ用器物々々違得失ヲ明ニシテ軍陳城取ホノ秘事終ニ戰戰軍謀ニ宜キヲ委クシテ論ス  
武門ノ教誡上君王ヨリ下兵士ニ至ルニテ是ヲ毎レシベテ武士タルモノ常々ノ心カケテ軍陳戰場ホソレク義ヲ細ク書ク其作法進退利害得失ヲ明カニ弁ズ  
河野軍記 全十五冊 時ヨリツギキテ代ノノリ記ス  
伊ヨリ河野氏ハ其先祖神武帝ノ  
歷代帝王ノ興廢ヲ書ツラ子其間ノ治乱ヲ記ス  
此書ヲ見レハ日本モ唐モ古ノ治乱其次第一冊  
ヲ見ルハ并歴史軍書ヲ讀ム此書ヨリテ讀ハ順次  
分明ヲカ子テ大畧ヲシテ居テ混雜セズレテモレシ  
本朝ノ始ヨリ武將タル人ヲ百人羅山子撰玉ヒシ  
ラ委ク繪ニアラハ其行狀ヲ一々記ス



